



## **Universitätsbibliothek Paderborn**

### **Vera Concilii Tridentini Historia**

Contra falsam Petri Suauis Polani narrationem

**Pallavicino, Sforza**

**Antverpiae, 1670**

Capvt XVI. Errata Suauis. Difficultates tunc insolubiles habitae, tum in discordia inter Gallum Hispanumque Oratorem, tum de Canonibus Decretisque memoratis. Lotharingi epistola ad se purgandum Romam ...

**urn:nbn:de:hbz:466:1-11718**

Et sanè laus nulla suppetebat quæ illi hoc nomine non debere-  
tur : imò post hasce litteras à Pontifice missas , sed nondum Tri-  
dentum perlatas, nouam ipse laudem promeruerat. Cùm enim cer-  
tamen ferueret super eo præsertim Canone , in quo potestas Roma-  
ni Pontificis in Ecclesiam vniuersalem firmabatur , ille m cum suis  
Theologis tres ipsos dies cohortatus est Gallos , vt Canoni assenti-  
rentur. Præcipue verò Didacus Payua n , & Doctor Comanus , à Re-  
ge Lusitanæ ad Synodum missi , eruditos commentarios elabora-  
runt ad Pontificiæ auctoritatis emolumentum , qui cum ingenti  
commendatione à Legatis ad Borromæum missi , parem quoque  
laudem à Romanis Theologis , & ab ipso Pontifice acceperunt o .  
Quapropter eius nomine relatæ sunt auctoribus singulares illæ gra-  
tes , quæ non modò intimæ benevolentiæ argumenta sunt , sed æsti-  
mationis plurimæ ; quæ supra modum confert , vt reddatur cuiquam  
benevolentia Principum non solum gloria , sed etiam fructuosa.

1562.

<sup>m</sup> Litteræ  
Fulcaratiij ad  
Mororum

28 Ian. 1563

<sup>n</sup> Litteræ Le-

gatorum ad

Borromæum

28 Ian. 1563

<sup>o</sup> Litteræ

Borromæi ad

Legatos

6 Februarij

1563.

## C A P V T XVI.

*Errata Suavis. Difficultates tunc insolubiles habitæ, tum in discor-  
dia inter Gallum Hispanumque Oratorem, tum de Canonibus  
Decretisque memoratis. Lotharingi epistola ad se purgandum Ro-  
manam missa. Consilium concorditer suscepimus, & re completum  
prorogandi Sessionem ad 22. Aprilis, & interim expendendi  
argumentum Matrimonij.*

**D**E his omnibus euentis non nisi extimam , & quasi in corti-  
ce notitiam ostendit Suavis , & hunc ipsum corticem sèpè  
falso commaculat , dum colorat. Susceptam in postremis  
Operis huiusc libris consuetudinem prosequar , adeoque nonnullos  
solùm ex eius erroribus indicabo. Scribit , Aduenisse ad Conci-  
lium Ducis Sabaudi Oratorem Episcopum Astiensem. Satis erat le-  
gere non inquam monumenta manu scripta , sed Concilium An-  
tuerpiæ impressum , vt sciret , Augustensem fuisse.

Sed hic leuis est error ; at verò grauis est calunnia , Lotharin-  
gum inducere strenuum vituperatorem Pontificis , quasi ab eo li-  
bertas Concilio adimeretur. Quemadmodum Hebræorum scripta  
præpostorè nobis legenda sunt ad sententiam percipiendam , ita  
Suavis dicta præpostorè pariter credenda sunt ad veritatem eruendam ; quandoquidem Lotharingus , sicut ostensum est , Pontificem  
ad accessum sollicitabat : quòd , siue præsentia , siue propinquitate , res

Vv 2 &amp;

& concordiam Synodi promoueret. Acerbè quidem conquesus de quibusdam, qui per affectatum Sedis Apostolicæ studium, ut ipse rebatur, veritati & condecentia repugnantes, maximum illi detrimentum inferebant; in quam sententiam Legati pariter concurrebant, sicuti toties exposuimus.

Refert colloquium inter Oratores Gallicos & Legatos, prorsus alienum à vero; quod constat ex Præsidum litteris ad Borromæum, illud distinctè narrantibus, ex quibus nos penè ad verbum desumpsimus. Neque hæc tanta narrationis discrepantia tribui potest Legatorum in scribendo moderationi, quasi temperata ac minutâ auctoritate; siquidem longè plus austeri acerbique connetur in illorum ac nostra narratione, quam in Suauiana. At quid de certamine, quod ille comminiscitur, quoniam complures Patrum, Romæ minus propitijs, nolebant fateri in Romano Pontifice auctoritatem æqualem Christo tamquam homini, & mortalem vitam ducenti; sed tamen eidem æqualem Petro tribuebant: quod Romæ fautoribus haud probabatur, veritis, ne Romanus Pontifex adigeretur ad obscuram ac pauperem S. Petri vitam exigendam? Fierine potest, ut quidquam excogitetur aut amarius ob malignitatem, aut ineptius ob insulsitatem? Prætereo Paleottum (qui Concilio intererat Sedis Apostolicæ administer, adeoque in illius veneratione ac studio nemini concedebat) aperte suis in Operibus docuisse<sup>a</sup>, in Romano Pontifice non inesse auctoritatem parem Christo mortali, sed Petro. Id prætereo, & enuntiationem ipsam ex se considero: Quo pacto in hominis Christiani mente nafci poterat illa cogitatio de illa inter Pontificem & Christum æqualitate? Numquid umquam pronuntiatum est, obtineri potestatem à Pontifice instituendi Sacraenta, sicut instituit Christus, condendi leges perpetuas, & à relaxationibus immunes, & derogandi prætentæ legi Diuinæ, quemadmodum Christo licitum erat; impertiendi alijs auctoritatem, quæ falli non posset in scribendis definiendisque Religionis argumentis, sicuti fuit à Christo impedita? Non adeò despiebant. Tridentini Patres. Præterquam quod quinam tam luciosus in texendis mendacijs Suavis fuit, quin viderit in hoc apertam contradictionem? Si, cùm æquiparabatur Romanus Pontifex Petro, metus incessisset ne is ad S. Petri viuendi rationem coardaretur: similiter in eo æquiparando ipsi Christo timendum erat, ne adigeretur ad rationem viuendi, quam exercuit Christus mortalis, nihil certè delicatiorem splendidioremque vitâ à S. Petro ductâ. Controversia igitur de æqualitate fuit, cuiusmodi nos ostendimus, cum

<sup>a</sup> De sacri  
Consistorij  
consultatio-  
nibus par. 1.  
quest. 3.  
num. 3.

1563.

cum una pars, Pontifici magis propitia, contenderet hunc æquari  
Petro auctoritate regendi; & altera dissentiret, rata auctoritatem ex  
sanctimonia crescere, ac per eam posse Canonicos libros dictari:  
quod præstare poterat S. Petrus, & absque dubio Pontifex Roma-  
nus non potest. Ita concorditer rem narrant tam multa certa ac le-  
gitima monumenta quæ<sup>b</sup> produximus.

<sup>b</sup> Cap 13.

<sup>3</sup> Iam verò ut narrationem prosequamur, Præsides vnde impli-  
catis conspicabantur nodos, quos ipsi soluere nitebantur. De Ora-  
torum quæstione Lotharingus illis renuntiauit, congressum <sup>c</sup> se  
fuisse cum Oratoribus Gallicis, & cum paucis quibusdam è regio  
Consilio qui aderant, & inter omnes conuenisse, cum adhuc Rex  
esset pupillus, fas non esse ministris, assentiri cuiquam mutationi,  
quaे veterem prærogatiæ possessionem illi reuocaret in dubium.  
Quò maior erat Oecumenici Concilij auctoritas, tantò maiorem  
ab eo tributum iri edito illic exemplo. Continuata Christianissimi  
Regis promerita apud Ecclesiam nequaquam pati, minores minùs ve  
patentes sibi honores exhiberi ab hac, quām ab anteactis Synodis  
eius maiores acceperant. Quicumque locus Hispano daretur, aut à  
consueto diuersus, nimisrum infra Gallos, aut cunctis Oratoribus  
non inferior (in quo à præterita duritate recedebant) adeoque  
evidenter infra ipsos, rem dilucidam obturbaret, ac proinde quod-  
dam spoliationis genus crederetur. Quod Oratores ad discessum  
coegisset, non sine periculo dissoluendi coniunctionem illam  
inter duos Reges, adeò necessariam in præsentia Religioni.  
Singularem tunc rationem habendam esse de Carolo Rege ab  
eo conuentu, ad remunerandos labores, quos ille tolerabat magna  
ex parte vt Ecclesiam sustineret: ipsis fauere auctoritatem pruden-  
tissimi Senatus Veneti, qui in ea līte iudicarat seruandam esse Re-  
gis Gallici possessionem, permisæ partibus libertate suas rationes  
expendendi.

<sup>c</sup> Litteræ Le-  
gatorum ad  
Borromæum  
7. Febr. 1563

<sup>4</sup> Ea responsio tantò grauius Legatos perculit <sup>d</sup>, quantò maiorem  
spem, sicuti narrauimus, ipsis fecerant Hispaniæ Nuntij & Borro-  
meus, de optimo studio, quo Philippus Rex suos Præfules impul-  
surus esset, vt Synodus ad salutarem exitum promouerent, vtque  
Romanæ Sedi sua iura seruarentur illæsa: cum satis intelligenter  
Præsides, huiusmodi Philippi mandata, per alterius quām per Ora-  
toris linguam impresa, euasura instar optimi teli imbecillâ manu  
vibrati.

<sup>d</sup> Litteræ Le-  
gatorum ad  
Borromæum  
1. febr. 1563

Nec maiorem facilitatem experti sunt ad argumenta compo-  
nenda, de quibus disceptabatur. Oratores Galliæ ipsos adeuentes  
Vv 3 dixe-

1563.

dixerunt, Proponendum esse Decretum de mansione , receptum in conuentu habito coram duobus Cardinalibus: hunc fuisse omnium Conciliorum morem , vt in cœtum generalem referrentur quæ in peculiaribus statuta fuerant : ita pariter duos illos Cardinales censem. Quod postremum veritati consonabat, cùm Lotharingus ac Madruccius sibi in animum inducerent, nolle Præfides Decretum illud sententijs exponere , quod eius comprobationem præuiderent.

Cùm igitur illi stude rent hinc suam tueri dignitatem in dandis, non accipiendis ibi legibus à quocumque priuati iuris, hinc redi prudenterque se gerere ; per communes de more formulas Oratoribus responderunt , suo se muneri facturos satis : postea verò cuncti simul conuenere Lotharingum , ipsi ostensuri , rem proponendam non esse tam multis reluctantibus : sed tam graui tædio & ægrimoniam oppletum hominem comperere , vt sibi persuaserint nullum cibum in stomacho tam turbato bonum in succum conuersum iri. Quare breui vniuersaliisque sermone habitu digressi sunt. Postridie manè ad illum miserunt Senogallensem Antistitem, & ad Madruccium Archiepiscopum Lancianensem , qui summatim huiusmodi consilium proposuere : vt in alios octo dies differtetur Decretum de præscribendo die certo Sessionis: interim verò referrentur in generalem confessum sex Canones minimè controuersi, & Decreta doctrinæ illis respondentia : vt pariter proponeretur Decretum mansionis, à Lotharingo digestum: sed quoniam in comperto erat , complures huic propositioni repugnare , iterum proponeretur ; postea Decretum alias à Legatis propositum , quod Patres quod sibi melius videretur comprobarent : in quo custodiretur, ac palam fieret plena libertas Concilij: atque hoc pætro Præfides criminacionem purgabant, quod obstarent ne res proponeretur, veriti ne comprobaretur. Sed consilium duobus Purpuratis non placuit. Quapropter ipso inuitarunt Legati, vt secum Kalendis Februarij sero conuenirent, vnâ deliberaturi, quando Sessionis dies iam fores pulsabat. Lotharingus, vt animi perturbationem corrigeret illis se inuisentibus anteà patefactam, ore præsetulit, perinde ac fieri solet cum rationi spatum conceditur depingendi exterius quasi quâdam iride nubes interiores, festiuam speciem affabilitatis ac benevolentiae; ita tamen , vt improbarit eas voces in Canone positæ, regendi Ecclesiæ vniuersalem : adiecitque, à se ad conscientiam suam exonerandam , eo die Pontifici fuisse significata cuncta incommoda , vbi voces illæ non delerentur , cum Galli numquam illis consensuri essent.

Et

6 Et verum quidem fuit, ab ipso longam epistolam eo die scri- 1563.  
ptam fuisse ad Bertonum Actorem suum, quam hic Pio ac Borto-  
mæ legendam deferret. Ibi post proœmium refertum sensibus e Extat inter  
egregiæ in Apostolicam Sedem obseruantæ, pergrati erga Ponti- Commenta-  
ficiem animi, tristitiæ inæstimabilis ob enatas discordias, horribi- rios Scripan-  
lis funestæque præfigitationis de futuris euentibus, summa ad qua-  
tuor capita redigebatur.

Primum erat, locus communis cum Pontificibus visitatus ab ijs qui ad confilia remissa atque indulgentia nequeunt illos adducere, videlicet asperrima querimonia, in eos homines iacta, qui per ostentationem studij omni concordiæ obliquetabantur, quod aut præcessos honores consequerentur, illius fucati studij præmium; aut vitæ Pontificis dies detraherent mole laborum, vnde nouo Pontificatu locus aperiretur. Veram Sedis Apostolicæ utilitatem sitam non esse in vna alteráve vocula, eius prærogatiwas expressius sonante, sed in obedientia prouinciarum, & in quiete Reipublicæ Christianæ.

7 Tria reliqua capita vertebantur in ratione reddenda operæ à se nauatae tribus articulis, de quibus contendebatur. In articulo mansionis duas esse Patrum sententias, à pluribus probatas: alios velle declarationem quod ad ius Diuinum spectabat; ab alijs, cum quibus ipse sentiebat, eam non opportunam existimari; propterea quod complures, haud probè callentes iurisdictionem interpretandi huiusmodi ius, argumentum deduxissent dammandi res anteà gestas, & iustum absentiam Episcoporum. Quamobrem ad hoc incommodum euitandum, positas non fuisse in exemplo Decreti, quod à peculiari cœtu coram se digestum fuerat, alias voces præter vniuersales, & similes usurpati Paulo III. sedente. De industria tamen initio eius exempli enumeratos fuisse ab illis Patribus nexus à Deo iniectos ijs omnibus, quibus animarum procuratio committebatur, idque quod tolleretur offendio, quæ vel in ipsos offices emanarat, quasi Patres Concilij Diuinæ legis hostes essent, & ab eius appellatione abhorrerent. Quidquid in eo Decreto ponebatur, è sacris Litteris esse desumptum, nec ex eo tacendum, quod finistræ distortioni subiaceret; aliter nec oportuisse Euangelium recitare.

8 De institutione Episcoporum se non posse quibusdam assentiri, negantibus, Episcopos, & cum illis Pastores omnes animarum, esse vlo modo Christi Vicarios; neque ijs, qui affirmabant, à Christo solum Petrum fuisse creatum Episcopum, à quo in reliquos Apostolos

toriæ  
cili Tric.  
ps III.  
117

1563.

stolos Episcopatus deuenerit : in reliquum , vix esse inter Patres Concilij , qui non conueniret in ea forma Canonum & Decretorum , quā exigeretur in Episcopis , tum præteritis tum futuris , assumptio seu tacita seu expressa , à Romano Pontifice habita , & obedientia , quæ ab ipsis illi debetur , eorumdem præterea potestate ad Ecclesiæ ipsis commissis ab illo restitutæ ; per quæ Pontificalis auctoritas non illæsa modò , sed corroborata perstebat .

Denique quod attinebat ad superiorem auctoritatem Pontificis , aut Concilij , fateri se nutritum fuisse in Acedemia Parisiensi , quæ fauet Concilijs , & à se comprobari omni ex parte Synodus Constantiensem ac Basileensem , non item Florentinam . Certum exploratumque sibi esse , nullum suæ nationis Episcopum adductum iri ad oppositi Decreti consensum ; Oratores contestaturos , argumentum porrectum iri ad scribenda volumina pro utraque parte decertantia , vnde Apostolicæ Sedis auctoritas in dubium reuocatur . Quocircà cùm in eo regno nimium sanè cum hæreticis pugnandum esset , à se Pontificem orari , vt aliorum calamitates miseratus , nollet nunc tam molestam litem cum Catholicis excitare , eosque impellere ad alienationem illius potestatis , cui arctius alligandi curabantur ; sed satis haberet , si Sedes Apostolica in auctoritate sua ac possessione persisteret , neque maiorem in tam importunitis rerum conditionibus declarationem exposceret . Tum primâ , tum mediâ , tum postremâ epistolâ se obsequenter Pontificis iudicio , & Ecclesiæ auctoritati committebat . Huiusmodi fuit epistola , quam Lotharingus significauit Legatis Romam à se missam fuisse eodem die , quā se purgaret , & Pontificem in suam sententiam traheret .

Præfides igitur post longam deliberationem , concordi iudicio censuerunt protrahendam esse Sessionem usque ad primam feriam v. post Octauam Paschatis , quæ feria incidebat in 22. diem Aprilis : interim verò tradendos esse Theologis articulos de Matrimonio , congetturalis quotidianis cœtibus ; ita vt Theologi manè de hoc arguento disputarent , Patres autem vesperi agerent deabusibus ad Ordinis Sacramentum spectantibus ; vt per hanc moram inuentâ ratione aliquâ componendi præsentes dissensiones , Sessio copiosa pro dignitate celebraretur , compensatâ maturitatis tarditate , messis ubertate , tristitia nimirum solamine in dilationibus semper consueto , sed ferè semper fallaci . Eò libentiū Legati in hoc consilium venere , quod Lotharingus viuidam in ipsis spem excierat futuræ concordiae . Hæc autem spes in illis confirmabatur

tur ab ingenio temporis, quod per recognitionem defatigationem- 1563.  
que conciliator est omnium dissidiorum. Congruebat id pariter  
menti Pontificis ex postremis litteris ad eos perlatis <sup>f. 28 Janua-</sup>, in quibus etiam confirmantur memorati nuntij de officijs à Rege Catholico <sup>rij 1563.</sup>  
promissis; adeoque verisimile erat, meliores ex mora conditiones  
euasuras.

11 Eodem vespere de inito consilio docuerunt omnes Oratores, qui-  
bus tamquam necessarium probatum est, simul modestiam aliquam  
præter gerentibus propter populorum offenditatem ex multiplicata  
prorogatione in rebus quarum confessio tantum celeritate indi-  
gebat. Galli præsertim responderunt, placere sibi consilium, non  
solum quia necessitate honestabatur, sed quia præuidebant, quan-  
tum improbatura esset Gallia eam Sessionem, si fuisset habita  
nullis editis de disciplina legibus, quarum potissimum Christiana  
Respublica tunc indigebat. Ægrè quidem se ferre, quod vna cum  
prorogationis Decreto simul eius causa, Synodo probrosa, vul-  
ganda esset, videlicet, Patres conuenire non potuisse; idque pro-  
pterea, quod contendebatur, ut inter Canones ac Decreta verba  
insererentur à Theologis non agitata, ab Episcopis non expensa, &  
aduersantia Religioni: quam tot iam annos amplectebantur Galli  
innixam in sacrosanctis Concilijs, ut de ea dubitare non liceret;  
perinde quasi contentio declarandi, mansionem iurisdictionemque  
Episcoporum esse de iure Diuino (quæ duo postulata harum om-  
nium discordiarum origo fuere) potius non fuisset contentio in-  
serendi voces ac res nec in Theologorum disputationibus discussas,  
nec in Patrum conuentibus compositas; & quasi Basileensis Syno-  
dus maiorem auctoritatem obtineret in aestimatione communi Ec-  
clesie, quam Florentina. Addidere Oratores, si vellent Legati ut  
Rex regnumque illam prorogationem æqui bonique consulerent;  
ne morarentur amplius ipsorum postulata proponere; non quod  
Oratores sibi persuaderent se cuncta impetratueros, sed quod possent  
acquiescere Patrum sanctionibus, eâ parte quæ ipsis concederetur  
contenti. Concluserunt, ijs absolutis, & quæ Oratores Cæfaris po-  
stulabant, nihil superesse in Concilio perficiendum.

12 Præsides in his quæ Oratores, & quæ anteà Lotharingus signi-  
ficarant, conspicati numquam flexibilem Gallorum repugnan-  
tiæ recedendi ab illa, prout ipsi appellabant, religione, ac-  
cepitque anteà mandatis, quæ dixinis, à Pontifice, ut ad tot mala  
vitanda & concordiam componendam, mutationi illarum vocum  
in alias vniuersaliores assentirentur, aut etiam argumentum illud  
*Pars III.*

HISTORIÆ  
CONCILII TRIDENTINI  
Pars III.

1563.

omnino prætermitterent , non mediocriter animis fluctuarunt ac vacillarunt. Tandem magis honoris studiosi , quām quietis audi, Romam rescriperunt: Se quidem iussis obtemperaturos: ita tamen, vt, quoniam res agebatur magni momenti, & contraria consilio māioris partis Canonum Consultorum, quippe quōd negabatur Romano Pontifici , post diuturnam ac publicam litem , id quod iure ipsi debebatur, quodque præcipue tribuebatur à Synodo Florentina ; vnde fieri poterat , vt decursu temporis ea de re Præsides insimularentur , orarent Pontificem , ne grauaretur id ipsis per diploma disertè imperare , in quo apponeretur , id fieri pacis & concordiae causā. Itaque die postero Patribus ad generalem cœtum

*g Acta Arcis CONUOCATIS Mantuanus & hæc locutus est.*

*Ælia, & lit-  
t:ia L: g: to-  
rum ad Bor-  
rom. & D a-  
rium 3. Febr  
& litteria la-  
drei sis 4. Fe-  
bruarij 1563*

*Peruenimus ad Sessionis diem , non tamen peruenimus ad concordiam  
Sessioni preituram. Etenim cūm ingens peccatorum cumulus, inter nos &  
Parrem misericordiarum interiectus , nondum sublatas fuerit , non potius  
ipsius misericordia ad nos descendere , quā dissiiceretur diffensio supra E-  
clesia Principes diffusa. Tum necessitatem differendæ Sessionis often-  
dit, rationemque ne dies præscriberetur aut adeò propinquus  
vt periculum adiretur indecoræ cunctationis nouæ , aut ita longi-  
ninus ut nimium grauis euaderet Patribus commoratio, nihil  
agentibus inter incommoda illius domicilij: idcirco delectam à  
se fuisse feriam v. post Octauam Paschatis , quæ feria incideret in  
diem vigesimum secundum Aprilis. Interim optare Præsides, vt  
colligerentur à Patribus corruptelæ, quæ in Ordinis Sacramentum  
irreplissent, earum syllabo ei qui à Secretis erat tradito, quō  
proponi possent; & simul etiam Theologi disputarent de articulis  
Matrimonij, quō perficeretur id quod anteacta Sessione præscri-  
ptum fuerat, videlicet, vt simul de duobus postremis Sacramentis  
decerneretur. Diuturnum videri non posse spatium illud cuicun-  
que consideranti, quot dies impenderentur à Theologis in haben-  
dis quæstionibus , & à quot Patribus postmodum sententia dicen-  
da esset. Ipsi perinde deliberarent, quō si spatium temporis com-  
probaretur, possent postridie tradi Theologis articuli de Matrimo-  
nio , hoc ordine seruato, vt matutinum tempus eorum discepta-  
tionibus tribueretur, & altera diei pars Patrum trutinæ de abu-  
bus memoratis. Ita ne momentum quidem temporis otiosum ef-  
flueret.*

*Studuit Lotharingus persuadere confessui tamquam certum, si Decretum de mansione à destinatis Patribus consecutum illuc ad-  
duceretur, celebratum iri præstituto iam die Sessionem: nolle ta-  
men*

men se de quopiam iudicium ferre; velle potius credere, huiusmodi intermissionem iustis è causis profectam: sed angi se grauiter ex ea noua mora, quæ vulgari non poterat sine ingenti admiratione Fidelium, post tot antegressas prorogationes. Ipsorum noxas eiusmodi esse (idque de seipso, non de alijs à se dici) vt, cùm assisterent Synodo Cæsar ac tot reges per Oratores suos, eaque vera disciplinæ correctio ab omnibus tantoperè fuisset efflagitata, ad id usque temporis nihil confici potuerit, sed inter ipsos discordiæ dissidiaque persisterent. Quemadmodum in Apocalypsi Ephesus Episcopus à Deo commendatus est, quod Nicolaitarum facta odio habuerat, sed ob alia à se gesta castigatus; ita Concilium Tridentinum esse laudabile, quod integrum in Fide Catholica conueniret, odio prosequens Nicolaitas, hoc est hæreticos; non tamen esse laudabile, quod minimè conueniret in emendatione morum, cunctis expectata & exoptata. Ceterum quod propositum fuerat, formis valde honorificis probauit; cohortatus est Patres ad rem ardenter prosequendam, & opem suam in promptu obtulit.

Muglitius Orator Cæsar, & Pragensis Archiepiscopus, non minus elatè quam prolixè verba fecit. Tam multas prorogationes damnauit: si qua tamen admittenda tunc esset, eam ultra tertiam hebdomadam non esse protrahendam, cùm mansionis Decretum iam formatum haberetur. Incumbendum in posterum disciplinæ, pretermisis dogmatibus; illâ siquidem magis quam his Ecclesia & Christianus orbis indigebat. Atque ea cuncta protulit potius per imperium Præsidentis, quam per modestiam Antistitis priuati. Huius sententia de breuiori ad Sessionem spatio auctor fuerat per amaram quamdam libertatem, in studiosioribus frequentiorem, Archiepiscopus Braccarensis; cui duo de quinquaginta adhæsere, nimurum cuncti Galli, cuncti Hispani, uno excepto, & aliquis ex Italib, qui tam multa conquesti sunt<sup>b</sup>, tam multa vituperarunt, vt fortasse numquam illic liberior conuentus habitus fuerit; præser-  
<sup>b</sup> Litteræ Fa-  
sciararij ad  
Moronum  
4. Febr. 1563;

tim verò Antonius Ciurelia ex Bario, Antistes Buduensis, qui ad præteritam prorogationem dixerat<sup>i</sup>: *Non sum Propheta, nec filius Prophetæ, sed præfigo; nec eo die Sessionem habitum iri: nunc audaciæ desumptâ ex vera sua præfigitione, se augurem nouorum*

incommodorum venditans, pronuntiauit, Sessionem non sine contentione plurima inter Christianos Principes celebratum iri: atque, vt Prophetarum more planè loqueretur, conclusit: *Reuerendissimi Patres, hec dicit Dominus. Neque caruit eo perbreui plausu, quem sibi comparat quidquid ridiculum & mordax est, quibus-*

1563.

dam earumdem vocum exemplum ab ipso potentibus. Sed impunis pariter idem non abiit ab illa stabiliore damnatione, quā manuī consilij homines detestari solent tamquam indecora eiusmodi scommata ob loci maiestatem, & argumenti grauitatem: quā auctâ illi potius confidentiâ ex quorundam leuum fauore, quam pœnitentiâ ex monitis Legatorum, in vituperationem breuiat. ac propè fuit ut puniretur, sicuti narrabimus; ac de ipsius effato propheticō palam fecit euentus, illum fuisse Prophetam quām infustum, tam fallacem.

Sed cunctationi à Mantuano propositæ centum triginta sex suffragatis sunt, adeoque supra duas tertias partes. Quare Suavis, inquit inductâ pro suo more alienâ personâ, queritur Synodus non esse liberam, & eo consilio rem geri, ut defatigationis torturâ cogeretur ad obsecundandum Legatis; quando re ipsâ nec denuntiata, nec prorogata vñquam Sessio fuit sine non maioris modo partis, sed longè maioris consensu. Sed consuetudo seditionis est, ut cùm ipsi pauciores sit, in plures vociferentur, vñ vocabulo propitio simul & fraudulentio *libertatis*.



HISTO-